

Kommunekkaartumik pilersaarusiormi allanngutsaaliuisussaannermik nakkutiginnittussaaneq pillugu Namminersornerullutik Oqartussat nalunaarutaat

Nunaminertat atorineqarnerat pilersaarusiormerlu pillugit Inatsisartut peqqussutaanni nr. 6-imi 19. december 1986-imeersumi, Inatsisartut peqqussutaatigit nr. 1-ikkut 18. juni 1987-imeersukkut allanngortinneqartumi, paragraf 3 malillugu aalajangersarneqarpoq:

§ 1. Nalunaarummi matumani maleruagassat malillugit kommunalbestyrelsep pisussaaffigaa peqataaffigissallugu kommunemi illoqarfinnik nunaqarfinillu pilersaarusiormi allaffissornikkullu aqutsinermi nuna tamakkerlugu allanngutsaaliuinissamik soqutigisat pingaartinneqarnissaat.
Imm. 2. Kommunalbestyrelsep pisussaaffigaa isumannaassallugu nuna tamakkerlugu eriaginninnissamik soqutigisat kommunemi pilersaarusiormerlu ilanngutissallugit, aamma kommimemi illoqarfimmi nunaqarfinilu nunani eriagisariaqartuni allanngutsaaliuisussaannermik suliaqarnerup pingaartinneqarnissaa.

§ 2. Immikkut eriagalugit allanngutsaaliortariaqartuni, tamakkununga ilaallutik illoqarfimmi illoqarfiup immikkoortortai oqaluttuarisaaneq piorsarsimassuserlu eqqarsaatigalugit eriagisariaqarnerpaajusut, illoqarfiit/nunaqarfiit pilersaarusiormerlu atuinissamik pilersaarusiormi killissarititaasuni aalajangersakkat naammattumik assigiimmik paasineqarsinnaasut aalajangersarneqassapput, nuna tamakkerlugu allanngutsaaliuinissamik soqutigisat pingaartinneqarnerannik isumannaarisut.

Imm. 2. Allanngutsaaliugassat erseqqinnerusumik killilernerneqarnerat siumoortumik kommunalbestyrelsemik isumaqatiginninniareernikkut Naalakkersuisunit aalajangerneqassaaq.

§ 3. Illoqarfimmi illoqarfiup ilaani allanngutsaaliugassat allat pillugit, taakkunimnga ilaallutik illuliat 1950-ikkunniit 1960-ikkut naalernerannut sananeqarsimasut, kommunemi pilersaarusiormi isummerfigineqassaaq qanoq annertutigisumik tamakku pigiinnarneqassanersut, taamaalilluni sananeqarsimasut immikkut ilusaat allanngortikkumanagu.

Imm. 2. Imm. 1-imi allanngutsaaliuiffissat taaneqarsimasut kommunemik isumaqatiginninniareernikkut Naalakkersuisunit erseqqinnerusumik aalajangiiffigineqassapput.

§ 4. Nunaqarfinni allanilu sanaartorfigineqarsimasuni illoqarfiit avataanniittuni allanngutsaaliugassaasunik kommunalbestyrelse nunap assiliortitsissaaq uppersaasiliortitsillunilu. Allanngutsaaliugassaataasut tamakku kommunemi pilersaarusiap nassuiaatitaani allaaserineqassapput ilanngunneqarlutillu, Namminersornerullutik Oqartussat nalunaarutaanni nr. 25-mi 9. november 1987-imeersumi kommunit aamma immikkoortut pilersaarusiorneqartarnerannut tunngasumi § 2, imm. 2, nr. 3 takuuk.

§ 5. Nalimaarut atuutilerpoq ulloq 15. november 1991.

§ 6. Tamatumunnga peqatigitillugu kommunekkaartumik pilersarusiornermi allanngutsaaliuisussaanermik nakkutiginnittuussaaneq pillugu namminersornerullutik Oqartussat nalunaarutaat nr. 28 6. august 1991-imeersoq atorunnaarsinneqarpoq.

Namminersornerullutik Oqartussat ulloq 30. oktober 1991

Lars Emil Johansen

/

Emil Abelsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut